

Mazarin
3777

Le Tocsein ...

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3777

UNIVERSITY OF N.C. AT CHAPEL HILL



00023010457

3777.

LE
TOCSEIN
DE LA
FRANCE,
POVR LE MAINTIEN
DV ROY,
ET DE SA COVRONNE.




A PARIS,

M. DC. XLIX.

LE
TOCSEIN
DE LA
FRANCE
POUR LE MAINTIEN
DU ROY
ET DE SA COURONNE



A PARIS
MDCXLIX



LE
TOCSEIN
 DE LA
FRANCE,

POUR LE MAINTIEN DV ROY,
 & de sa Couronne.

S T A N C E S.



*VX armes, entrons dans la lice,
 Allons soustenir la Iustice,
 L'estée a pris ses interests:
 Courage, François Royalistes,
 N'estes-vous pas encore prests
 Pour vaincre les Cardinalistes?*

Prin es, Pairs, & vous, Ducs de France,
 Il faut montrer vostre vaillance,
 Au service de nostre Roy;
 Le Parlement prend sa tutelle,
 N'a-t'il pas desja par sa Loy
 Banny ce Ministre infidelle?

Le parti qui le favorise,
 Le voudroit bien mettre en franchise,
 Mais c'est ce qui ne se peut pas:
 Il a tant fait de voleries,
 Qu'il faut qu'on rigoureux trespas
 Punisse ses pirateries.

Tandis, que deviendra cet homme,
 Qui du Pape, & mesme de Romme,
 Est plus hay que n'est la mort?
 Las! que son tourment est extrême,
 Il faut que pour plaire à son sort,
 Il soit le bourreau de luy même.

Sçauroit-il fuir son naufrage?
 Tout le monde aime son dommage,
 Les Partisans manquent de cœur;
 Le grand Heros qui le protege
 Void par un insigne malheur,
 Fondre ses desseins comme neige.

Que ie te plains, Ligue abusée!
 Bien-tost tu seras la risée
 Des Potentats de l'Vniuers;
 Les mouuemens de ta vengeance,
 Font dèsja tomber à l'enuers
 Les fondemens de sa Regence.

Par une apparence visible
 Tu deuois estre plus sensible
 Aux douleurs des pauvres François;
 Pour vouloir sauuer un infame,
 Faloit-il reduire aux abois
 Un corps dont tu dois estre l'ame?

Ces insatiables Harpies
 Que la terreur tient assoupies
 N'exercent plus leurs cruantez;
 Les Vautours rongent leurs entrailles,
 Et les Demons sont apprestez
 Pour celebrer leurs funerailles.

Heros, qui ioints à la Iustice,
 Auez arresté que le vice
 Seroit à vos pieds abbatu;
 Allez querir nostre Monarque,
 N'est ce pas de vostre Vertu,
 Nous donner la meilleure marque?

Son rapt, nous est un crime horrible,
 Je ne sçay comme il est possible
 Que nous ayons souffert ce tort;
 La vengeance en sera plus grande,
 Si par vostre puissant effort
 Paris a son Roy qu'il de mande.

C'est ce que la France respire,
 Que de renoir dans son Empire
 Son Auguste, & ieune LOUIS;
 Allons, courons à sa conquête,
 Le Ciel nous prepare pour prix
 Vne couronne sur la teste.

Soldats, à ce bris des allarmes,
 Accourez, & prenez les armes,
 Pour foudroyer nos ennemis;
 Il faut que l'orgueil s'humilie,
 Qu'en son thrône le Roy soit mis,
 Malgré l'Espagne, & l'Italie.

F I N.

